



DIE IV. JULII.

IN FESTO

B. GASPARIS DE BONO

Sacerdotis Professi Ord. Minimorum

S. FRANCISCI DE PAULA,

DUPLEX.

*Omnia de Communi Confessoris non Pontificis præter ea quæ sequuntur.*

*In Hymno: Iste Confessor, mutatur 3. V.*  
ORATIO.

**D**EUS, qui BEATUM GASPAREM Confessorem tuum, insigne tuæ dilectionis & Sacerdotalis ministerii exemplar esse voluisti; da nobis ejus precibus, ut per ea-

dem vestigiâ gradientes, præmia consequi mereamur æterna. Per Dominum &c.

IN I. NOCTURNO.  
*Lectioes de Script. occurrente.*

IN II. NOCTURNO.  
LECTIO IV.

**G**Aspar Valentiaë Edetanorum in Hispania humilibus quidem, ac piis parentibus ortus, ab ipsa jam pueritia Dei amo-



re præventus, egregia futuræ sanctitatis præbuit argumenta. Annum agens decimum quintum in Ordinem Prædicatorum adscribi voluit; sed parentum inopia, & cognatorum hortationibus coactus à S. Dominici Cœnobio discedere antequam religioso habitu indueretur, divitis primum mercatoris famulatu se addixit; deinde Catholici Regis, & Imperatoris Caroli Quinti vexilla in equitatu sequutus est, & militatum abiit in Italiam.

LECTIO V.

**D**ecimo jam stipendio fungebatur in castris Cæsaris, magnamque præ-

claris operibus cum animi non instrenuitum præsertim pietatis, ac miserationis, innocentia, & virtutis coeperat opinionem, quum fortiter pugnans, in foveam præceps delabatur, suoque ipso equo comprimitur. Jacentem hostes circumveniunt, vehementique hastæ ictu in capite lethaliter vulnerant, ac pene conficiunt. In tanto vitæ discrimine coeleste auxilium Gaspar exposcit, arctiorisque proficundæ disciplinæ in Ordine Minimorum Sancti Francisci de Paula voto se obstringit. Nec mora: adest continuo suorum manipulus, qui é fovea



eductum ad Castrense Nosocomium defert. In eo quum opinione facilius, atque celerius convaluisset, terrenæ militiæ sacramento solutus, in patriam rediit, ibique ut nuncupatum Deo votum solveret ad Cœnobium Minimorum Sancti Sebastiani se contulit, in quo admissus, obedientia, animi demissione, vigiliis, ac orandi assiduitate, & junioribus incitamento fuit, & provectioribus anteivit.

LECTIO VI.

**E**Xacto tyrocinii anno, ac Sacerdos post solemniter professam Instituti observantiam ex obedi-

3  
tia factus, charitas Dei, quæ jam erat in ejus corde à prima ætate diffusa, miro, planeque singulari modo in dies coruscavit. Mundanis enim quibuscumque affectibus à se abdicatis, ciliciis, flagellis, jejuniis corpus afflixit, spiritum vero divinarum rerum meditatione enutrivit. Sacrarum confessionum excipiendarum munere Præfecti jussu suscepto, plures è vitiorum cœno ad pie, christianeque vivendum adduxit. Aliquibus primo sui Ordinis Cœnobiis, Valentîno nempe, & Alaquensi, ac tribus in Majoricæ Insula nuper erectis; Barchinonensi item, ac



Perpinianensi , mox  
 universæ Provinciæ  
 Præpositus , dici vix  
 potest , quantum pru-  
 dentia , justitia , man-  
 suetudine , atque hu-  
 militate excelluerit.  
 His dotibus Deo cha-  
 rus , hominibus admi-  
 rabilis , Provinciæ præ-  
 fectura se abdicat , ac  
 vi morbi paulatim  
 consumptus , Ecclesiæ-  
 que Sacramentis ritè  
 munitus , inter suavis-  
 sima Jesu , Mariæ ,  
 ac Josephi nomina ,  
 iis evangelicis verbis  
 Christi Domini é Cru-  
 ce morientis : Pater , in  
 manus tuas commen-  
 do spiritum meum , cla-  
 ra voce repetitis , ob-  
 dormivit in Domino  
 pridie Idus Julii anno  
 millesimo sexcentesi-  
 mo quarto. Quem plu-  
 ribus etiam post obi-  
 tum illustrem Miracu-  
 lis PIUS SRXTUS Pont.  
 Max. solemnè ritu Bea-  
 torum fastis adscripsit.

IN III. NOCTURNO

*Lect. de Homilia San-  
 cti Gregorii Papæ in  
 Evang. Sint lumbi ve-  
 stri , de Communi Con-  
 fessoris non Pontificis.*

*Ex Decreto SS.D.N.Pii VI. P. M. sub die  
 17. Martii 1787.*

Reimprimatur. *Dr. Marin , V. G.*

---

Valentiæ: Typographia Benedicti Monfort , anno 1787.